

10067  
:34



皇朝文獻通考卷四十九

選舉考

三

舉士

雍正元年奉

諭旨直省主考官俱係

皇考選用之人必能自好是以特簡為主考官務秉公考

取學問優長之士果能不徇私情聲名無忝則不但無

負朕之選用亦不負

皇考愛養之恩矣回京之日朕自加陞擢如有徇私之處



經朕訪聞定行從重治罪決不寬貸

又選新進士爲內外官學教習吏部等衙門議定  
新進士除選取庶吉士外揀選學問好者令爲內  
外官學教習年滿遇月官扣缺補用餘令回籍候  
選至是年六月又定三年期滿照科分名次以中  
書補用

又總理事務王大臣奉

諭旨八旗滿洲等除照常考試漢字秀才舉人進士外在  
滿洲等繙譯武藝亦俱屬緊要應將滿洲另繙滿文考

試秀才舉人進士武秀才舉人進士之處爾等會同該  
部作何考試額數多少等處定議具奏尋議滿洲蒙古  
能繙譯者三年之內考取秀才二次舉人一次進  
士一次每遇考取秀才之年吏部行文翰林院各  
部院衙門將滿洲翰林侍讀郎中等官內由清漢  
字出身精通繙譯者咨送吏部開列具題

欽點學政一員其考試之童生八旗都統備造旗分佐領  
三代履歷年貌清冊咨送禮部轉送兵部考試馬  
步箭冊送學政於貢院內考試將四書直解限三

皇朝文獻通考 卷四十九  
百字內爲題繙滿文一篇其繙譯精通者聽考官  
選取考試之後將卷冊交送禮部該員仍回本衙  
門辦事其鄉試會試另立一場於子午卯酉年二  
月鄉試辰戌丑未年八月會試鄉試禮部照例咨  
取滿洲由清漢出身之大臣官員職名併漢大臣  
官員職名開列具題

欽點滿漢正副考官各二員滿同考官四員禮部滿洲  
侍郎一員爲監臨官會同順天府提調官管理鄉  
場內外之事其應考之人不拘滿漢字貢監生員

其現任筆帖式能繙譯者俱照例考試馬步箭咨  
送入場頭場將四書解義易經解義書經解義性  
理精義孝經衍義大學衍義古文淵鑑資治綱目  
等書限二百字內出題三篇二場漢主考官或判  
論或表策自作二篇爲題三場於入場後取現到  
通本一道爲題其所用通本鄉試命順天府官赴  
通政司親領封固親身送至貢院門首交提調官  
轉送內簾監試主考官公同開閱會試亦照此例  
由禮部官賚送其現在文舉人能繙譯者亦准與

繙譯會試

殿試題目或於古文及律詩詞賦等文內由內閣奏請恭候

欽命餘俱照文殿試例其鄉試於雍正二年十一月舉行

會試於雍正三年二月舉行

殿試於三月舉行奉

諭旨國家掄才大典首重試官主考憑房考閱薦之文定其去取則一榜衡鑒之當否係於分校諸臣之賢不肖亦匪輕矣近科以來

皇考慎重闢門籲俊之典於順天鄉試及會試房考官慮其人邪正不一特命每房各用二人同閱試卷使之互相覺察彼此鉗制用意良爲周密但法久弊生一房兩考官豈皆遇秉公持正之人設有一狡黠者叅雜其間卽爲賢者之累况兩人或皆不肖則朋比作奸爲弊更甚嗣後仍著照原定科場條例各房止用一人校閱其責旣專其功罪亦難推諉務俾鎖闈清肅悉拔真才以仰繼

皇考旁求俊乂之志爾部卽遵諭行

又奉

諭旨此番鄉試落卷著大學士王頊齡刑部尚書勵廷儀署吏部侍郎內閣學士史貽直戶部侍郎張伯行李周望兵部侍郎阿克敦副都御史李紱同南書房翰林檢閱如人不足於翰林院編檢內揀選十員同閱再此番係雍正元年特恩加科士子有因迴避不曾應試者殊屬可憫卽令派出大臣擬題奏請候朕點出於內閣考試尋經考試取中迴避卷四名落卷二一名

又奉

諭旨孝經一書與五經並重蓋孝爲百行之首我

聖祖仁皇帝欽定孝經衍義以闡發至德要道誠化民成俗之本也鄉會試二場向以孝經爲論題後改用太極圖說通書西銘正蒙夫宋儒之書雖足羽翼經傳豈若聖言之廣大悉備今自雍正元年會試爲始二場論題宜仍用孝經庶士子咸知誦習而民間亦敦本勵行卽移孝作忠之道胥由乎此

又奉

諭旨各省鄉試房考凡州縣官由科甲出身者止許入闈

一次夫考官以秉公精鑒識拔人才爲主何論曾否入闈嗣後凡遇鄉科各省督撫臨場調齊科甲出身之員不論已未分房監臨試以時藝一篇其文理優長者爲內簾房考荒疎者供外場執事則分校得人而佳文盡拔矣

分湖北湖南兩闈鄉試先是湖南士子赴湖北鄉試必經由洞庭湖六七月間風雨不測間有覆溺之患或至士子畏避險遠裹足不前特奉

諭旨於湖南地方建立試院每科另簡考官俾士子就近入場永無阻隔之虞明年二月爲鄉試之期湖南巡撫若能於二月之前預備場屋則於明春卽分湖北湖南兩闈考試至於湖廣通省取中原有定額今旣分兩闈其取中之數應如何分別之處著湖北湖南督撫定議尋議定楚省分闈湖北中式五十名副榜十名湖南四十九名副榜九名武舉各二十五名

又禮部奏言請定今科取中進士名數得

旨今科進士照朕所定一百八十名之數取中仍降旨與總裁官朱軾張廷玉此外不拘省分不限額數如有佳

卷選出另行具奏王世宗不許皆令不別題效收旨封  
增廣東省鄉試舉人中額六名武舉中額四名從  
署廣東巡撫年希堯請也

總理事務王大臣等奉

諭旨今年殿試天氣已寒諸貢士若照舊例在丹墀對策  
恐硯池冰結難於書寫著在太和殿內兩旁對策再傳  
諭總管太監多置火爐使殿內和煖諸貢士得盡心作

文寫卷

又奉

諭旨向來庶吉士學習清書散館之後每至荒廢殊為可

惜嗣後清書散館之翰林不可令其荒廢今年新科進

士選拔庶常朕意學習清書者少派數人令其盡心學

習務期通曉散館後亦不可荒廢或在翰林或在部曹

卽令與滿員一同繙譯如此方實有裨益新科進士於

引見之前朕欲先行考試知其學問再行引見選拔庶

人才不致遺漏目今天氣寒冷一應仍照殿試預備考

試題目朕將詩文四六各體出題視其所能或一篇或

二三篇或各體俱作悉聽其便



又禮部議覆御史田嘉穀條奏各省學政科考生員舊例用四書題文二篇請增用經題文一篇以崇經學如遇三冬日短減去四書文一篇應如所請從之

又吏部疏奏舉人揀選知縣每逾三十年不克及時試用除現在已經截取赴部聽其照例銓選外其餘無論已未揀選之員除本科外應行令直省督撫每於鄉試事竣會同主考官秉公驗看凡年力精壯克勝吏治者給文赴部銓選其年老及才

具平常者雖已經截取俱准於本籍具呈改就教職歸班銓選從之

又奉

諭旨昨引見新科進士名單內有用點記名者三十員以知縣卽用尖圈記名者十七員年力尚壯傳問伊等有願在各館効力及在內官學教習者令各自陳明若行走勤謹學問好者朕仍拔爲翰林

二年

上親詣太學釋奠加增國子監鄉試中額十八名五經加

中四名直隸各省分別加增五經中額

又吏部議奏內閣漢中書員缺專用景山教習之  
進士補授每致辦事乏人嗣後請照舊例以願就  
中書之進士舉人銓補內閣酌量考取擇其字畫  
端楷者分班選用從之

又奉

諭旨遠省州縣員缺舊例部選月官領憑赴任每至需遲  
累月甚而懸缺日久署印屢易其官以致貽悞他方不  
少朕意將揀選舉人選期尚遠者挑選命往各省聽候

缺出委用署事至應選時仍來京候選庶遠省署事不  
致乏人於吏治有益下部定議尋議會試後下第舉人

吏部揀選引

見發往雲貴川廣五省委署試用如果才守兼優著有實

效該督撫保題於本省補用平常者咨部請

旨有情願會試者聽從之

又禮部奉

諭旨鄉會試爲掄才大典內外簾官子弟理應迴避但跋  
涉數千里志切觀光旣至京師不得與試深爲可憫朕

於上科特降諭旨另行考核然此只可暫行不便著爲定例今科凡官員入闈者其子弟著一體應試將試卷另行進呈朕派大臣校閱遴選

又奉

諭旨闈中謄錄試卷弊端甚多其有賄囑者則書寫精工否則潦草舛錯致悞佳文著知貢舉及監試御史嚴行申飭其謄寫不工者必重加責懲令其重寫併令對讀官員嚴飭各生悉心校對勿使字畫錯誤倘有外廉官失於查察日後發覺將該管官一併嚴加議處

又

命會試舉人分別道里遠近賞給歸途路費雲南廣東廣西貴州四川五省每人銀十兩福建浙江江南江西湖廣陝西六省每人銀七兩直隸山東山西河南四省每人銀五兩

又

命會試及順天鄉試元魁三場試卷繕錄進呈

又奉

諭旨考試繙譯舉人不必分作三場只須一次考試一日

一夜量其所能章奏一道或四書或五經酌量出一題其優劣便已可見此考試並無漢文不必派漢大臣再考試舉子俱係八旗內人其繙譯好者衆所共知卽字蹟亦最易識認伊等試卷應行謄錄著於六部各衙門善書之筆帖式內酌量足用選取令其謄寫選中之卷進呈時再定額數仍寫備卷呈覽其分校及巡察等員亦俱照文鄉試例派用尋議定繙譯舉人作一次考試或用章奏一道或於四書五經內酌出一題選取各部院衙門筆帖式等令其謄錄其堪中式之卷

挑選進呈時再行定額仍選備卷數本呈

覽考試官員於滿大臣內派正考官一員副考官一員部院官員內派同考官四員其餘應行事宜俱照文鄉試例本年甲辰科繙譯鄉試取中滿洲繙譯舉人九名

又禮部工部國子監奉

諭旨進士題名之典始於唐時進士榜後於慈恩寺塔下題名立碑自宋明以至我朝皆建碑於太學按其甲第先後勒載姓名籍貫於上所以重科名也今太學

聖廟戟門外所立本朝歷科題名碑自順治丙戌科起至康熙戊戌科而止稽之會典諸進士釋菜後禮部題請工部給建碑銀一百兩交與國子監立石題名康熙三年輔政大臣赦省自後每科諸進士各自捐貲立石我國家振興文教凡鄉會試動用帑金數萬朕卽位之始卽開恩科誠以科目一途實關用人取士之要題名之典豈宜缺焉著工部動用正項錢糧令國子監將雍正癸卯甲辰兩科題名碑速行建立康熙辛丑科亦宜補建嗣後每科仍照舊例題請庶士子觀覽此碑知讀

書登榜之榮益勵其潛修上達之志爾該衙門卽遵諭行

又增福建省鄉試中額四名從福建巡撫黃國材請也

十三年奉

諭旨前各省正副主考朕皆視其人謹慎者派往並未試其文藝間有不能衡文者此皆由中式之後荒疎年久故耳著將應差委之翰林由進士出身各部院官員查奏朕試以文藝差委旋遵

旨將翰林院及進士出身官員人數查明具奏召集於

太和殿試以四書題文三篇

親定甲乙封貯內閣以備鄉試差遣次年將御試取定人員書名牙簽盛以金筒每屆按省分差之期設黃案於午門外

命大學士同禮部官掣簽唱名恭請

欽定正副主考七年仍行

御試分別記名暨十三年鄉試主考皆如之

又禮部議覆左通政陳良弼條奏八旗漢軍筆帖

式貢監生員官學生亦有學習繙譯者請照滿洲

蒙古例一體考試應如所請嗣後三年之內考取

秀才二次舉人一次進士一次其取中額數視人

數多寡臨期請

旨欽定從之

又吏部等衙門議覆原任川陝總督年羹堯疏言

陝西寧夏等衛所新經改設郡縣請分設寧夏西

寧涼州甘州四府一年一貢靈州三年兩貢寧夏

寧朔二縣各兩年一貢中衛縣三年兩貢西寧武

威平羅碾伯古浪高臺永昌鎮番山丹平番張掖等縣各兩年一貢照寧夏例行應如所請從之

又領侍衛大臣奉 諭旨爾等俱係勳舊大臣之子孫孰不當為國家効用但

今擇人任用大臣等之子孫內能勝任者不可驟得今大臣之子及散秩大臣侍衛等之子內爾諸臣有知其善者即行舉奏縱不深知訪問於章京護軍校等如得其人亦行舉奏以備朕之試用

又吏部議覆吏部左侍郎查郎阿奏言直隸州州

同州判雖係佐貳現管逃盜等案不便以損納貢

監補授管轄屬縣請舉人銓補州同恩拔副榜貢

生銓補州判應如所請從之

四年奉

諭旨國家設學校以儲養人才鄉會廷試拔其尤者而用

之即古選士造士之遺意也但士子作文有一日之長

短縱使主司公明搜羅豈能無遺况去取惟憑文藝其

人品之高下才能之優絀無由得知每有出羣拔萃之

才屢試不售即或晚得一第而年力衰邁不堪為國家

任使朕思各省學政奉命課士黜劣舉優係其專責嗣後學政三年任滿將生員中實在人品端方有猷有爲有守之人大省舉四五人小省二人送部引見朕親加考試酌量擢用現在報滿各學政卽遵照薦舉其到任未久如有所知亦卽舉出夫一省而舉數士不可謂無人學政巡歷各府三年之久日與士子相親考文察行不得謂不知但能虛公衡鑒所舉必得其人且風聲所樹凡讀書士子必皆鼓舞振興力學敦行求爲有用之儒於士習人才大有裨益其各實心奉行毋得苟且塞責如有徇私冒濫等弊必嚴加治罪

又以繙譯鄉試添增漢軍照文鄉試例滿洲蒙古編滿字號漢軍編合字號

又定江西鄉試內簾書經房考舊止用二員經撫臣裴綽度奏卷多房少請酌添書經房同考官一員從之

又吏部議奏國子監漢字助教員缺將舉人副榜按科分每旗咨取十人併將由舉人副榜出身之俸深筆帖式每旗咨取五人清文助教員缺於清



文俸深筆帖式每旗咨取十人考取註冊不限旗分各按名次補用論俸陞轉從之

又奉

諭旨士子讀書制行之道首在明經其以五經取中副榜

者必有志經學之士著將今年各省五經取中副榜之人俱准作舉人一體會試再今科各省所中副榜內有

兩次中副榜者亦准作舉人一體會試此係特典後不

為例

又定考驗就教貢生例各省恩拔副貢生內已就

教職者各省學臣於歲末兩考事竣會同巡撫與

挨貢一體驗看造冊送部銓選年老者以原品休

致

五年吏部奉

諭旨會試舉人著爾部揀選引見併問九卿將所知者舉

出再舉人內有伊等同鄉素日推服之人亦著舉人公

舉或數人共舉一人或十數人共舉一人俱將姓名註

明務須有猷有為有守之人方可推薦不得冒濫

又奉

諭旨士子讀書應試須專心講習方可望其成就八旗舉人庄員內在護軍執事人行走者朕念其用度艱難恐致分心是以於雍正元年特加殊恩令其退回仍賚給錢糧養贍俾得專心讀書勉勵上進庶國家可收得人之益今已三年有餘其中或有年力衰邁及不肖之人徒領錢糧無志上進虛糜國帑者亦未可知若不加考課分別勤惰無以鼓勵人才著於會試後將八旗滿洲蒙古舉人生員漢軍舉人查明人數請題考試分別等第驗其優劣

又奉

諭旨朕以今年閏月節氣稍遲二月天寒故將會試日期改至三月但自今天氣尚覺寒冷若再改期又恐舉子盤費無多艱於旅食今照舊於初八日入場著曉諭各舉子俱許攜帶手爐以溫筆硯皮衣及厚綿衣服俱許穿進但不得乘機懷挾以滋弊端場內茶飯著供給官加意預備朕另派大臣照看料理令早晚給與薑湯并接名給發木炭以資其用

又奉

諭旨今科選拔庶常應如何簡選考試務得人材以濟實用著會議具奏尋議進士選拔庶常原屬儲才大典必得其學問素優才品兼著之士方可選列清華查雍正元年癸卯科殿試後集諸進士於保和殿

御試並令九卿各舉所知雍正二年甲辰科照前舉行今科進士亦應詳加考試仍令內閣九卿確行保舉其考試擬用論詔奏議詩五題或作一二篇或諸

體全構聽其各展所長屆期

欽點大臣閱卷進呈其進士內有彼此熟悉素為眾所推

服者亦令公同舉出伏候

親加選定從之

又奉

諭旨外省鄉試房考舊例皆用現任知縣入闈朕思知縣身為民牧地方政務甚繁入闈動經數月諸事或至遲悞朕意欲將外省房考之例斟酌更定或於隣省中舉人進士之在家候選者臨期調取數十人交於監臨之

督撫秉公掣籤令其入闈分校著九卿詳議具奏尋議  
順天鄉試仍照舊例其外省鄉試飭令所屬地方  
官將在籍之進士舉人文行素優者送督撫衙門  
驗看以備隣省調取大省十八房取用三十名中  
省十四房取用二十五名小省十二房或十一房  
取用二十名十房取用十八名隣省咨文到日遣  
官伴送人給路費銀三十兩臨期掣籤得內簾者  
入闈分校餘令回籍至外簾之收掌等五所官仍  
於本省府州縣佐貳等官內委用從之

分設八旗官學順天學政孫嘉淦條奏請整飭八  
旗官學以育人材嗣後挑選官學生務擇聰明俊  
秀子弟考課分習清漢書每旗給官房一所爲學  
舍以貢生五人爲教習派定所教人數優其廩給  
專其訓導又不時稽查勤惰期滿分別議敘從之  
改定奉天廩生出貢例禮部議覆奉天府丞須洲  
疏言奉天府學民籍廩生一年一貢似覺太速請  
二年一貢滿字號廩生五年一貢似覺太遲請三  
年一貢再

皇朝文獻通考 卷四十九  
盛京幅輳廣濶滿漢生員散出千里之內總屬府學  
教官管轄耳目難周請令查明居址撥歸相近縣  
學督課俱應如所請從之

文禮部奉

諭旨直省拔貢舊例十二年題請舉行一次後因各省學  
政不能秉公選取國子監未便照例請行於雍正元年  
時特行一次朕思各州縣每年歲貢較其食廩淺深挨  
次出貢內多年力衰邁之人欲得人材必須選拔著各  
省學臣於科考時照例府學拔取二名縣學拔取一名

寧缺毋濫務取學問優通品行端方才猷可用之才令  
其來京朕將親加考驗令入國子監肄業如有學問荒  
陋人品不端才具庸劣者將學政嚴加議處嗣後六年  
選拔一次國子監屆期題請候旨

六年刑部尚書勵廷儀條奏請除監生考職倩代  
頂冒之弊得

旨各省監生每於考職之時或憚於跋涉或不諳文理託  
在京之親戚朋友代為應考而本人安坐原籍濫竊職  
銜此等陋習相沿已久是以數年來朕特遣大臣專司

考職之事及後訪察知考試之臣亦只能校閱文藝不能除假冒之弊故上年考試後朕令將一千一百餘人通行引見彼時伊等自知頂冒情虧不敢報名引見者九百餘人俱經降旨革退其引見之二百餘人朕以爲皆係正身又見其中有人材可用者因揀七十餘人交部卽用或令外省督撫試用且有加恩用至知縣知州等官者近聞此卽用人員內竟尚有頂冒之人似此敢於欺罔可謂愍不畏死者矣今朕開恩准其自行出首若代考得官之人遵旨出首朕酌量寬減其罪其託人

代考者情罪較輕若遵旨出首但革去監生不治其罪倘仍前隱匿不首一經察出將與者受者卽行正法其從前歷來考職監生有代考得官者亦照此例行

又

勅浙江士子照舊鄉會考試先是雍正四年停止浙江鄉會考試至是奉

諭旨浙江士習澆薄朕爲世道人心計不得不嚴加整理今二年以來李衛王國棟先後奏稱兩浙士子感朕訓誨之恩省愆悔過將舊日澆凌奔競之習痛自改除可

稱士風丕變前年朕原降旨浙人秉性聰慧既知讀書必明大義非如強悍執滯之難於感化者一經指示則醒悟亦必最捷不出二三載可以望其自新今果然矣明年卽屆鄉試之期浙省士子准其照舊鄉會考試以示朕訓俗厲民樂聞遷善之至意

又

勅各省保舉貢生生員以教職用者俸滿應陞之時不得別行陞轉

又禮部奉

諭旨各省考取拔貢原欲遴選儒生以宏教育向來之例俱於現考一二等生員內選拔文行兼優者但恐作文有一日之短長而文理平通不列優等者其人或品行端方才識練達足備國家之用亦未可定嗣後著各省學政不必拘一二等之生員俱准收考酌量試以時務策論其人果有識見才幹再訪其平日品行端方卽正考未列優等亦准選拔則文行兼收可以昭國家廣攬人材之典

七年宗人府奏宗學教習期滿之舉人貢生請予

議敘得

旨宗學教習於期滿之時自應加恩議敘除舉人係應選知縣之員照原議銓選外其貢生等善於訓課未必嫻於吏治若一概用爲知縣不但於吏治無益而本人不能辦事致干叅處亦非所以成全之也凡各處教習之貢生等著於期滿之時該管衙門帶領引見或用爲知縣或用爲教官候朕頒發諭旨因材器使將此通著爲例

又奉

諭旨考官專司衡文之任必須學問明通者始能鑒別不

爽雍正三年會將在京科目出身應充正副考官之員通行考試分別等次記名於雍正四年掣籤命往各省使典試事今已越三年從前考取人員其中陞遷外任及告假回籍者甚多卽有在京者其所學或以日久漸荒而前此之未曾入選者今用數年之功文藝未必無所進益且陸續新到之員亦復不少著照雍正三年之例通行考試俟朕分別記名以備持衡之任有不願就試者亦聽其意

又禮部議覆雲貴廣西總督鄂爾泰疏言貴州一



省原轄十一府四十州縣每科鄉試額取文舉人三十六名五經二名武舉二十名近於四川湖南兩省內將十三州縣改隸貴州赴試人數較多請增貴州鄉試解額加中文舉人六名共四十二名武舉三名共二十三名庶不致人多額少黔省既經議加則四川湖南應行議減請將四川解額文舉人減四名武舉人減二名湖南解額文舉人減二名武舉人減一名應如所請從之

又奉

諭八旗貢監生員已經考取小京官筆帖式者准其與舉子等同與鄉試

又奉

諭旨各省拔貢聞已陸續來京伊等既不能應本省之鄉試則當准其應試北闈俾得與觀光大典凡拔貢之有貢單者俱著該堂官咨送順天府令其應試再修書各館內從前有外省生員在館効力者若情願入場考試著取具同鄉官印結送順天府亦准入場

又定漢軍義學肄業子弟如有文理精通願考繙

譯者不拘閒散俱准赴吏部考取筆帖式其文理  
音類粗通弓箭可造者聽其在本旗挑補領催兵丁三  
年之內教習勤謹者將教習人員分別議敘  
其選文遴選廣東連州生員

欽賜舉人四名時署廣東巡撫傅泰疏言廣州府理密同  
知朱振基於前任連州知州任內奉祀逆賊呂留  
良牌位據連州生員陳錫等合詞呈首

上以連州生員陳錫等深明大義不為邪說所惑據實出  
首令將今年該州應試完填之舉子交與該省學

政秉公遴選學問優通者賞作舉人一體會試如  
今科所取副榜內有連州生監亦准作舉人  
又奉

諭旨大學士尚書侍郎都御史副都御史各大臣有子在  
京闈及本省鄉試未經中式年二十以上者著各舉文  
理通順可以取中者一人開送內閣尋開列大學士蔣  
廷錫子蔣溥吏部尚書嵇曾筠子嵇璜都御史唐  
執玉子唐少游吏部左侍郎史貽直子史奕簪戶  
部右侍郎王廷揚子王鏗禮部左侍郎錢以塏子

錢鏊禮部左侍郎鄂爾奇子鄂倫兵部左侍郎楊  
汝穀子楊綬刑部左侍郎繆沅子繆樞工部右侍  
郎張大有子張鴻運侍郎署理倉場事務涂天相  
子涂士炳副都御史王寵子王謝升等具奏得

旨俱賜舉人戶部侍郎劉聲芳子劉俊邦因病未應鄉試  
亦准作舉人一體會試

又准八旗叅領處酌派筆帖式行走凡八旗文移  
稿案向由管檔領催繕寫伊等多係兵丁出身於  
滿漢文理不能通曉不無草率舛錯之處經給事

中奚德慎條奏嗣後八旗監生生員官學生內有  
通曉滿漢文願在叅領處効力行走者令該都統  
等按旗揀選滿洲每叅領下酌派二員蒙古漢軍  
每叅領下酌派一員授爲貼寫筆帖式辦理一切  
檔案事件五年期滿該旗咨送吏部考試繙譯取  
中後以部院衙門筆帖式補用應如所請從之  
八年分派新進士於六部額外主事學習行走是  
年新進士除選拔庶吉士外曹繩柱係現任中書  
以六部主事用其馬丙等五十八名均奉

諭旨在大部額外主事上學習行走該部按各部司分多寡掣籤分派具奏三年之後如能稱職該部堂官題補如不能稱職該部奏聞其內若果有才猷出眾明練政治之員於一年之後該堂官將情由聲明保奏帶領引

見請

旨此各部行走之員俱照額外主事之例給與俸祿

又奉

諭旨今科外用進士著就伊等本籍地方掣籤派往交與

各該督撫分派藩臬衙門令其學習伊等中式之後原須候選數年始能得官今著學習三年委署試用一年約計四年之後題補實授與伊等候選之期相仿而又得學習吏治較之間居豈不大有裨益此三年內若該地方需用人員仍著奏請另行揀選命往不必於新科進士內遷就委用倘新進士中果有才具出眾平日熟練吏治不待學習者著該督撫格外委署題補即於本內聲明若才具庸常難以練習吏治情願改教者不拘三年之期准其具題改補其學習之員每年公費若干

該督撫於公用銀兩內酌量給與著行文各督撫知之  
又吏部奉

諭旨向來各處鹽政弊端甚多難以清理是以定議於候  
選知縣內揀選命往彼時因人員不敷遂將監生捐職  
之人亦入於揀選之內聞有央同鄉官出結而私相饋  
送者此風斷不可長嗣後不必用捐銜之人著將在部  
學習及留京之拔貢生令各堂官擇其爲人謹慎有身  
家可以辦事者保送吏部以備揀選

又各省選拔生員到京派大臣秉公考試分別等

次進呈內有湖北應山縣生

楊可鏡一卷文理

荒疎經部議照例革去選拔奉

諭旨楊可鏡乃明臣楊漣之元孫昔順治四年楊漣之子  
楊之易爲江南松江府同知遭提督吳勝兆之叛捐軀  
殉難凜然忠節此卽楊可鏡之曾祖也朕思楊漣父子  
兩世忠義其後嗣子孫若稍能自立品行無虧雖文藝  
不工亦當格外造就楊可鏡准作選拔赴國子監肄業  
仍著禮部帶領引見

又禮部議覆四川巡撫憲德疏言茂州羌民久列

版圖載糧入冊與齊民無異請照例與漢民一體  
應試科舉出貢卷面不必分別漢羌額數憑文去  
取以廣樂育鼓勵之意應如所請從之

九年奉

諭旨看來蒙古旗下人能蒙古話及能以蒙古字繙譯者  
甚少如是相沿日久蒙古文字并蒙古話必漸至廢棄  
宜令蒙古旗下人亦照考試滿洲繙譯生員舉人進士  
之例考取蒙古繙譯生員舉人進士在理藩院補用如  
有讀習漢書情願考試文生員舉人進士者令照常考

試著在別部院補用如此則蒙古旗下人俱各奮發勤  
學蒙古文字並蒙古話不至廢棄而理藩院亦收得人  
之效著大學士會同理藩院議奏遵

旨議准八旗蒙古人等能繙譯滿洲蒙古文字者照考試

滿洲繙譯之例三年之內考取秀才二次舉人一  
次進士一次鄉會試與滿洲繙譯合爲一闈滿洲  
應試舉子在東文場考試蒙古應試舉子在西文  
場考試滿洲蒙古合爲一榜一同張掛考取秀才  
派蒙古學院一員鄉會試各添派蒙古主考官一

員蒙古同考官二員俱由該衙門咨取各部院蒙古大臣官員職名開列具題

欽點考取秀才題目於清字日講四書內照漢文限三百字爲題繙譯蒙古文一篇鄉會試題目於清字日講四書內照漢文限三百字爲首題再用清字奏疏一道爲次題繙譯蒙古文二篇謄錄試卷於各衙門善書蒙古字之筆帖式內咨取派用其監臨提調監試等官於滿洲繙譯科具題

欽點毋庸另派其取中秀才舉人進士額數令考官挑取

中式之卷並選備卷數本一併進呈請

旨欽定考取秀才於本年十月舉行鄉會試於考試滿洲繙譯一同舉行雍正十年壬子科繙譯鄉試取中滿洲繙譯舉人十六名蒙古繙譯舉人二名定滿洲教習選用例禮部奉

諭旨滿洲教習俱係旗人並無別項差使在館充數三載卽得一官爾等當不時稽查分別優劣如果教導有方卽當奏聞其不能稱職者亦應題叅今值酌定成例之初凡教習期滿作何補用之處著會同大學士等妥議

具奏尋議滿洲教習三年期滿其行走勤謹教導有成者列為一等係舉人以小京官即用貢生生員以筆帖式即用已補筆帖式之貢生生員照舉人例用列為中等者再留教習三年如教導有成帶領引

見照例咨部選用不能稱職者禮部不時查叅從之

又吏部奏筆帖式例於繙譯人員內按旗補用但各旗出缺多寡不同請嗣後照各部主事例不論旗分補用得

旨借缺還缺易滋弊端惟是筆帖式一員係各旗出身之路若本旗一時無應補之人即將別旗人員頂補恐行之日久漸至人少嗣後該旗筆帖式缺出如不得應補之人帶領二十員候旨補授

十一年奉

諭旨雲南貴州廣東廣西四川福建六省舉人赴京會試郵程遙遠非近省可比朕意欲於落卷中擇其文尚可觀而人材可用者添取數人候旨錄用以昭朕格外加恩之意著傳諭主考官於六省試卷遵旨取中外其次



等可取之卷不拘數目秉公選出俟發榜後朕另派大臣會同主考官驗看人材更加遴選再六省下第舉子內除願與下科會試者不必報名外若有情願小就以圖卽行錄用者著在禮部報名一併交與派出之大臣主考官揀選奏聞請旨

又吏部遵

旨議奏定例滿洲舉人選用小京官漢軍舉人選用知縣從前漢軍舉人有冒入滿洲額內中式者以致內用外用任意趨避嗣後請令各該旗於考試時將

應考人員詳加分別開明咨送順天府如仍有混行冒考中式者查出將咨送之該旗都統佐領等官交部議處舉人革退從之

十二年奉

諭旨鄉試之年宣化府屬另立且字號與奉天府屬夾字號額數相同各取中三名今宣郡人材較前漸盛又添蔚州一屬應舉人數加多查夾字號前已廣額二名則且字號應加增中式之數下禮部議定宣化且字號加增中額一名與夾字號各中四名

十三年奉

諭旨縣令爲親民之官關係民生休戚最爲切近凡選用知縣者類多舉人進士出身之人其中才具可觀克稱厥職者固多而年老迂疎不諳吏治者亦復不少朕念其政苦寒窗幸登科目不忍遽令放廢於是定以改教之例每見候選各員有年老才庸不稱縣令之任而苦不自量仍欲勉強謁選其意益以縣令爲榮希圖僥倖且以到任之後不能辦事仍可改補教職無碍於功名故爲苟且姑試之計殊不知以不能勝任之人冒昧銓

選及到任之後試看一年半載再請改教其間輾轉更換時日已多事務廢弛之患有必不能免者嗣後科目出身之員若係簡選命往者到任後不勝縣令之任准該督撫以教職題請改補如係月選之員或年力衰邁或才識庸愚卽當於未選之先或臨選之際呈請改教若不自量度仍欲銓選知縣該員到任後著該督撫留心察看或以才力不及或以溺職分別題奏不得奏請改教以遂其自便之私如果有爲人謹慎學問優通者著該督撫將應否改補教職之處具本聲明送部引見

請旨

禮部議覆福建巡撫盧焯疏言臺灣鄉試士子向係另編字號額中舉人一名今臺灣五學人文日盛請於閩省解額外將臺灣字號再加中一名以示鼓勵應如所請從之

是年八月

皇上登極

詔增鄉會中額會試額數俟禮部臨期奏請廣額外鄉試大省加三十名次省加二十名小省加十名奉

天宣化各加中一名廣東商籍亦於民籍外另額取中二名

皇朝文獻通考卷四十九

皇朝文獻通考卷五十九

選舉考四

奏舉士

乾隆元年議准會試與順天鄉試內簾主考同考

會官除同姓無服者與郎舅中表等戚不必迴避外

其有服之同姓與翁婿甥舅皆令迴避不行開出

呈者革職

奉旨會令一對考精潔有卷長桂遊

特旨考試迴避卷自雍正二年暫行之後不著為例至

是禮部奏請今科會試其內外簾執事官員子弟  
應否准令一體考試將試卷另封進

呈得 奉 旨

旨內外簾官子弟應行迴避者著另行考試乾隆元年  
會試及鄉試恩科准於常額之外寬餘取中以示鼓  
勵其作何另行考試出榜之處著禮部速行妥議具  
奏尋議迴避子弟應請仍於闈中一體考試另編坐  
號歸於一處以便稽查其試題會試由禮部堂官  
皇 隨 鄉試由順天府府尹先期奏請

欽命四書三題於初八日密封轉交場內刊刻給散經  
題及二三場仍用闈中之題一體考試至彌封之  
後另編字號滿洲蒙古漢軍卷面上俱列旗字其  
餘各省分照鄉試之例於卷面上分別南北字樣  
禮部奏派大臣校閱所取試卷恭候

欽定於出榜之前發出會試由禮部堂官鄉試由順天  
府府尹捧入場內轉交內簾主考官酌量名次敘  
入榜內

又兵部尙書傅鼐奉

諭旨朕聞今科會試遺卷內尙有佳卷今場事已竣應如何加恩增中爾可會同大學士鄂爾泰朱軾議奏尋議請派大臣再行校閱揀選進

呈又奏請今科會試各省年老舉人八十歲以上劉振起等三人七十五歲以上馬應龍等五人七十歲以上李琬等十五人七十歲宋士正等二十人謹繕清單請將各卷查閱有可入選者檢出進呈並得

旨報可大學士鄂爾泰等遵

旨校閱會試闈中未經取中之薦卷擇其尙可續取者共計三十卷暨年老舉人試卷內選出五卷一并進

呈奉

諭旨交禮部照所擬名次出榜以圖考校爾士子又禮部議准繙譯科鄉會試題於欽奉

諭旨內選擬日久易於重複嗣後繙譯鄉會試令主考於性理精義及小學內選擇數項俱不得過三百字密封進

呈恭候

欽定爲題其考試生員並於性理小學內出一題考試  
其蒙古繙譯科鄉會試及考試生員亦於清文性  
理小學內照例出題但以繙譯性理小學坊間廣  
有若平時記誦或懷挾抄寫以圖僥倖則士子不  
知究心文理終於繙譯未能精通殊非拔取真才  
之意嗣後繙譯鄉會試主考會同考官於性理精  
義小學每一題後括其大義總論數語令士子一

同繙譯

又禮部奉

諭旨雲南貴州廣東廣西四川福建六省舉人赴京應  
試未經中式者著照雍正十一年之例揀選奏聞其  
上次記名二十一人一併入於此內請旨旋於五月  
內引

見發往各省以知縣試用再行題請實授以主事用者  
一人以教職用者四人

又奉

諭旨今歲八月舉行恩科鄉試其正副考官必人品端

皇朝文獻通考 卷五十一  
四  
方學問醇正者始足膺衡鑒之寄朕卽位之初不能  
深知諸臣之底蘊著張廷玉鄂爾泰朱軾徐本邵基  
任蘭枝徐元夢福敏孫嘉淦揚名時於翰林科道部  
屬內各據所知多舉數員於五日內交送內閣彙奏  
候朕考試簡用庶得才品兼優之員以副掄才之典  
嗣經考試十一等人員皆引

見記名兼以道府同知補用數員

又准捐納候選之貢監得與鄉試舉人得與會試

又奉

諭旨回來進士候選但於雙月銓補嗣因人多壅滯准  
於單月亦立班選用近來進士已經疏通不過需次  
二三年卽可得缺惟舉人選班壅積日久現今猶需  
次至二十年方可得缺以致中年登科者至精力就  
衰之時方膺民社難收實效朕思進士已經疏通應  
仍照舊例但於雙月銓補其進士單月班次應改用  
舉人銓選亦屬疏通舉人之一法交吏部查議尋議  
銓選舊例知縣員缺雙月用進士五人舉人五人  
捐納四人推陞三人單月用應補四人捐納四人



舉人四人續於雍正二年九卿議覆原任侍郎沈近思條奏進士選用知縣止於雙月十七缺內選用五人往往候至十餘年尙多壅滯請將進士入於單月分內選用四人敘於舉人之前以十六缺爲一班照科分名次銓選近年進士已得疏通惟各省舉人每科中式者必待二十餘年方可得缺未免壅滯臣等悉心酌量現在癸丑丙辰進士候選知縣者已有四百餘名且丁巳年恩科會試在邇候選進士爲數亦復不少若將進士單

月班次改爲舉人銓選則一年內所用進士不過二十餘名恐積至數年後又未免於壅滯查銓選知縣班次雙月用捐納四人單月用捐納四人今捐納條例已經奉

旨悉行停止雙單月捐納知縣爲數無多請嗣後現在雙單月捐納人員不敷班次之數卽以舉人抵補一二年間捐納人員用完之後則捐納班次盡歸舉人選用總計雙月知縣十七缺之內舉人可選用九缺單月十六缺之內舉人可選用八缺如此

則舉人選用知縣已倍於進士自可及時効用於  
銓法既得均平而科甲兩途俱無壅滯矣從之

加年老下第舉人以國子監助教學正及內閣中  
書職銜

又議准順天鄉試皿字號分南皿北皿中皿字號  
取中順天鄉試除北皿南皿字號照舊額各取三

十九名外其雲南貴州四川廣西另編中皿字號  
十五名取中一名如零數過半者亦准加中一名

如人數不及十五名仍附入南皿無庸另編中皿

字號

臣等謹按順天闈中分編字號名目以辨省分曰

貝字號則直隸之生員也曰北皿字號則奉天直

隸山東山西河南陝西之貢監生也曰南皿字號

則江南江西浙江福建湖廣廣東之貢監生也曰

中皿字號則雲南貴州四川廣西之貢監生也曰

夾字號則奉天是也曰日字號則宣化是也曰齒

字號則天津商籍之赴試者也而山東省闈中有

耳字號則孔顏曾孟四氏也陝西省闈中有丁字

號謂寧夏府也有聿字號謂甘肅也福建閩中有  
至字號謂臺灣也於試卷送入內簾時畫廳分界  
因地取材以平解額庶不致豐茲嗇彼贏細懸殊  
有得失偏枯之患也

又定揀選

咸安宮教習例向例

內廷教習將考取之新進士與恩拔歲副貢生分缺

間補至是議准

咸安宮教習應於新科進士內傳聞有願充內官學

教習者令其報名禮部會同吏部揀選引文至西

見陸續充補三年期滿該總管將稱職之員分別等第

引文東...

見或授為主事或授為即用知縣恭候再詳請

欽定乾隆二十二年奏准嗣後

咸安宮漢教習仍於新進士內加以考試選取如新

進士不敷用於明通榜舉人及各省舉人內考取

咨送充補其所選進士俟三年期滿詳加分別等

員大旨帶領引文...

見咨部仍照禮部原議以主事知縣即用舉人以知縣

教職即用其制嚴密士於三年應試其試法

定博學鴻詞試題之例吏部議覆御史吳元安奏

如言薦舉博學鴻詞原期得湛深經術敦崇實學之

為宗儒始足副淹雅之稱膺著作之選蓋詩賦雖取兼

原而長而經史尤為根柢若徒駢綴儷偶推敲聲律縱

有文藻可觀終覺名實未稱應如該御史所請考

原詞試博學鴻詞定為兩場首場試以經解二篇史論

一篇一場照例試以詩賦論三題皆許自辰至酉

夜則准其繼燭以盡其長疏上如議行

又禮部揀選八旗直隸各省拔貢生一百四十四

名引

見分別錄用知縣佐貳教官

又考試博學鴻詞

欽取十五人分別選授翰林院官先是雍正十一年四

月奉

諭旨朕惟博學鴻詞之科所以待淹通之士俾之膺著作

之選備顧問之任

聖祖仁皇帝康熙十七年薦舉博學鴻詞召試授職迄今數十年來未嘗廣爲搜羅以示鼓勵朕延賢維殷闕門籲俊敦崇實學諭旨屢頒宜有殫見洽聞足稱博學鴻詞之選者所當特修曠典嘉與旁求在京著滿漢三品以上各舉所知彙送內閣在外督撫會同該學政悉心體訪遴選考驗保題送部轉交內閣朕將臨軒親試優加錄用至是內外諸臣保薦陸續到部凡考試事宜俱如康熙十八年例經江大學士鄂爾泰等奏擬一等考取五名授以翰林院編修二等十名內由科用

出身者授以翰林院檢討未經中舉者授以翰林

庶吉士奉

諭旨依議次日帶領引

見劉綸潘安禮諸錦于振杭世駿俱授編修陳兆崙劉

藻夏之蓉周長發程恂俱授檢討楊度汪沈廷芳

汪士鋐陳士璠齊召南俱授庶吉士次年又補試

輔學鴻詞一名二等三名萬松齡張漢授爲

檢討朱荃洪世澤授爲庶吉士

二年吏部議准御史程盛修奏言翰林地居清切

所以備顧問司紀載在綦重也然欲得通才務端  
始進自保舉之例行而呈身識面廣開請託之門  
額手彈冠最便空疎之輩臣愚以為亟宜停止查  
近科以來新進士於放榜後先令九卿保舉然後  
帶領引  
現選用庶常原為慎重之意但新科進士俱係未經出  
過自壯之人九卿等原不能深知不過就其有志讀書  
堪以造就者卽行舉出行之既久其中或有冒濫  
亦未可定應如所奏嗣後新進士停其保舉從之

又吏部議准御史程盛以奏請停榜後額外主事  
之用以杜冗濫查向例新進士引

見時除選用庶吉士外其餘俱歸吏部以中書知縣等

士官銓選嗣奉

特旨分發各部令在額外主事上學習行走現在各部  
主事之學習者甚多銓補未免壅滯應如所奏嗣  
後新科進士除選用庶吉士外俱令歸吏部以應  
得之官按班次銓選無庸分發各部從之

又以恭逢

皇朝文獻通考卷之五十一  
恩詔凡貢生監生每年仍派大臣官員考定職銜照舊

例送吏部註冊

又奉

諭旨汪滌所奏考試新進士時應令其將本處當行之事各據所見明白陳奏王大臣等議以歷科考試進士具有成式無庸更張朕思古來帝王爲治不棄芻蕘况伊等旣成進士皆係讀書之人於地方利弊或有確見亦未可定今年考試進士仍照舊例出題若伊等有願將地方事件敷陳者准其據實條奏閱卷

大臣等擇其言有可採者進呈朕覽

又奉

諭旨滿洲進士選授庶常向例俱學習漢書去年因徐元夢條奏滿庶吉士復令分習清書朕思滿語係滿洲自幼所習只須漢文通順人人皆能繙譯且受職之後自可令辦繙譯之事清文亦不致荒廢何必於選館之時專令學習乎嗣後滿洲庶吉士習清書之例著停止

又奉

諭旨從前

世宗憲皇帝軫念八旗滿洲蒙古漢軍前鋒護軍另戶領  
催披甲閒散內有能繙譯及繕寫清書之人例不准  
考無有進身之階承

特降恩旨考試著交吏部照前考試內有最優者揀選具

奏請旨

三年

上詣太學行釋奠禮大學士鄂爾泰等奉

諭旨觀禮二十一人俱准入監讀書國子監本科鄉試

照雍正二年例廣額十八名

又議定繙譯鄉會兩試

欽命繙譯一題外再於清文書內

欽命一題令士子作清文一篇其試題仍照例由正副

主考官選擬數條密封進呈恭候

欽定其清文體式照依漢文論體

又奉

諭旨朕聞各省現任教諭若中進士現任訓導若中舉  
人副榜則有應用之缺便離原有之任以待銓補而



皇朝文獻通考 卷五十一  
銓補往往遲延動輒數載是一中之後轉令退居閒散矣推求其故蓋以從前品級相懸故定例令其離任今教職品級既已加增則離任之例亦應酌量變通以示鼓勵嗣後現任教諭會試得中進士例應歸班者仍令回原任以教授銜管教諭事現任訓導鄉試得中舉人副榜者仍回原任以教諭管訓導事若遇該員本班應選時仍照常銓選遇卓異薦舉亦照銜陞轉將此永著爲例

又大學士伯鄂爾泰等奏臣等衙門滿洲中書每旗額設九員八旗共七十二員內分隸滿本房四十員專司繕寫清字

上諭勅書奏摺本章各

壇廟祝版及匾額碑文分隸漢本房三十二員專司繕譯

上諭奏摺本章滿漢本房事務繁多額設中書不敷應用是以屢經諸臣條奏滿本房增設貼寫中書二十四員例由臣衙門會同吏部堂官於貢監生員官學生義學生內考試能清字者補用漢本房增設貼寫中書十六員例由臣衙門會同吏部堂官

於繙譯記名人員內考試能繙譯者補用至滿漢本房中書缺出卽於滿漢本房貼寫中書內挨次補用今吏部以文舉人繙譯舉人及各部院筆帖式陞遷壅滯請於每旗中書九缺內分出四缺按旗論俸補用文舉人及繙譯舉人出身之筆帖式其餘五缺仍用貼寫中書其貼寫中書缺出停其考取貢監生員官學生義學生人等於各部院現在有品級筆帖式并閒散文舉人繙譯舉人內揀選咨送內閣會同吏部堂官選補查得滿漢本房

中書所司之事關係緊要若不考試清字繙譯只按旗論俸挨次補用恐才不稱職轉致有悞臣等請將應用旗分之文舉人繙譯舉人出身之筆帖式公同揀選能繙譯繕寫清書用爲滿本房中書能繙譯者用爲漢本房中書如此則仍於吏部原奏相符而補用人員各稱其職從之

吏部奏舊例各項貢監生考職於每年四月內授文五月內考試續因各省考職人數甚少間有遲至二三年考試一次者嗣後應請於鄉試之年

仍照舊例定期於五月內考試行令各省督撫如  
有情願赴考貢監生給咨務於三月內到部則各  
省赴考貢監既有定期可免守候之虞矣從之  
又大學士伯鄂爾泰議覆御史程盛修奏請中式  
進士之京官歸班銓選十條查七品以下京官申  
式進士或以內用或以知縣即用者該衙門即移  
會吏部開缺其歸班選用者仍留原任之處倘未  
著有定例應如該御史所奏嗣後七品以下京員  
中式進士除選授庶常外俱令仍留原任從之只

又奉

諭旨武英殿寫字需人著尙書趙國麟等在國子監肄  
業之正途貢生內看其年力精壯字畫端楷情願効  
力者選取十人送武英殿以備謄錄繕寫之用俟行  
走數年該管王大臣秉公具奏酌量議敘

四年陝西學政嵩壽奏歲科兩試於四書經義外  
摘錄本經四五行令生童作講義一段以定優劣  
如童生中有能背誦五經兼能講義者書藝即屬  
百六平通亦量行錄取以示鼓勵得

旨允行 嚴亦量 咨 總 如 以 示 道 嗣 弊 令 各 官 各 司 職 守 如

定補行中 旨 道 背 兩 王 錄 兼 道 兩 美 音 書 禮 明 禮

殿試例 監察御史 霍備奏 補行 兩 美 一 對 以 示 對 後

殿試人員 應將 試卷 書體 進呈 兩 美 公 四 書 錄 美 似

御覽 毋庸 分別 從之 且 乘 公 具 奏 西 量 諸 姓

又 奉 順 十 人 奏 為 英 強 以 計 額 於 錄 寫 之 用 於 計

諭旨 向來 新科 進士 於 殿試 之前 有 呈 送 頌 聯 之 陋 習

近來 此風 又覺 漸熾 夫 士子 進身 之始 卽 從事 於 請

託 奔競 則 將來 服官 尚安 望其 有所 樹立 以備 國家

之用 而 大臣 等亦 宜 精白 乃心 絕請 託之 私 為 國家

培正 材該 部出 示曉 諭嚴 加禁 止倘 有違 旨仍 蹈故

轍者 經朕 訪聞 或科 道官 參奏 必將 與受 之人 一體

從重 治罪 尋以 士子 進身 之始 卽習 為獻 諛之 詞尤

非導 之以 正古 人對 策中 無此 體裁 八 且 奉 計 會

殿試 之期 嚴 著 嚴 旨 以 烈 六 採 文 舉 人 計 額 對 計 亦

止 親製 策問 試題 不拘 舊式 以免 諸生 預先 揣摩 諸生

策內 不許 用四 六頌 聯但 取文 理明 通敷 陳切 當

不必 泥於 成格 限於 字數 因此 次試 期已 近倘 有

不畫一處亦不以此為去取也夫詩賦曰選備育

又內有詩賦四六聲韻世類文歷朝殿試刻印當

賜繙譯人員進士出身以主事等官分別錄用先是禮

部題准繙譯鄉試已歷六科文舉人能繙譯者亦

准入場人數衆多請於乾隆己未年八月舉行會

試其會試事宜照題定則例辦理請派御史四員

專司巡察至是取中繙譯進士滿洲之二十名蒙古

二名奉旨出示執館錄取禁士前官數百以創始

諭旨今年繙譯會試取中三十二人雖從前有照例殿

試之議但此科人數甚少不必舉行殿試俱著賜進

士出身吏部帶領引見候朕酌量錄用其優者以六

部主事即用次者在主事上學習行走該堂官照例

題補又次者照滿洲進士例選用內有現任者即在

任候陞不必出缺

六年奉

諭旨滿漢進士原屬一體嗣後滿洲進士亦著照依甲

第名次選用知縣俾其漸悉民瘼學習外任之事

諭旨又奉

諭旨科場懷挾之弊例禁甚嚴今鄉試在邇聞得外間  
不肖士子故智復萌預先賃倩善寫細字之人鈔錄  
文藝爲入場夾帶之具若不嚴行禁止則僥倖獲售  
者必多而真才轉至黜落於掄才大典甚有關係著  
步軍統領五城御史出示曉諭並密行查拏至入場  
之時監試御史等必須嚴加搜檢不可虛應故事臨  
期朕或另遣人看視倘有寬縱疎漏之弊必將該管  
十官員從重議處

又定順天鄉試同考分校例先是給事中朱鳳英

奏請順天鄉試同考官照會試分省迴避之例北  
籍祇閱南卷南籍祇閱北卷經部議以房官南北  
籍人數不一分閱之卷多寡不齊難以均派未便  
盡准行茲奉

諭旨部議祇將南北三區較論固難分派若將通場滿  
漢生員貢監各卷併數合算自無不均之處且立法  
必期無間而防範不嫌過周與其留滲漏以滋弊端  
無寧嚴界限以絕物議嗣後順天鄉試同考官南省  
人概令迴避南區卷北省人概令迴避北區卷邊省

人概令迴避中皿卷滿洲漢軍概令迴避滿字合字  
卷如此分別可以清弊實而息浮議亦防微杜漸之  
道也

無聞而謂雖不兼舉與其習學試以並舉  
萬七年奉 聖旨各卷封燬合卷自無不此之說且立封

諭旨國家於科目取士之外又有拔貢一途所以收未  
盡之人材以廣備用之數也我朝教澤涵濡人文日  
盛又復屢開恩科加添中額是以所取進士濟濟多  
人而舉人皆日積日衆竟有需次多年而不得一官  
者此亦事勢之必然無足怪者朕爲此時屢於懷屢

籌疏通之策若又添取拔貢以分其缺數年一次舉  
行則人愈多而缺愈少舉人銓選更遙遙無期矣朕  
思拔貢乃係生員中之優者夫既爲文學華瞻之青  
衿則應科舉時自可脫穎而出又不轉藉選拔以爲  
呈身之路也查從前選拔或數十年一舉或二十年  
一舉今則六年一舉爲期太近理應酌量變通嗣後  
著定爲十二年選拔一次永著爲例再者各省應試  
生員貢監由學臣錄送入場向例每舉人一名額取  
科舉三十名嗣後加至一百名亦不爲不多矣且學

臣等博寬大之名於科舉之外遺才大收一概錄送  
且有督撫好行其德普收送考者以致文理荒疎之  
人皆得濫冒入場試卷太多不但試官於倉猝之中  
難於別擇卽浮薄之士子將以觀光爲游戲而不復  
攻苦於寒牕於賓興大典甚有關係嗣後學臣各宜  
留心慎重辦理毋得濫濫永著爲例

思文大學士等奏本月考選中書請派閱卷大臣四  
員照吏部考試貢監例咨行都察院派滿漢監試  
御史二員臣等派侍讀典籍各一員俱先一日同

閱卷大臣入貢院請題散卷局試至一切供應人  
役物件并令順天府備辦事竣報銷從之

八年奉

諭旨考取之宗室玉鼎桂達麟圖福喜俱准作進士與  
乙丑科會試中式之人一體殿試引見或選入翰林  
或以部屬等官補用候朕臨時降旨嗣後俱照此例

行

又准八旗進士考試教習滿洲文進士繙譯進士  
向無考試八旗教習之例至是禮部奏請准其一



體考試

又奉

諭旨朕聞修書各館謄錄人員內竟有不能繕寫之人  
 資緣而進及上館之後轉行情募以致承修各書不  
 能刻期告竣夫國家開館纂修典制綦重書成之日  
 謄錄人員亦有議敘錄用之例何得將不能繕寫之  
 人濫行充補從前滿洲繙譯謄錄亦由各館自行挑  
 補後御史觀音保條奏請簡派大臣考試選取送館  
 經部議行嗣後各館漢謄錄需人亦應另派大臣彙

公考取送館錄用下部定議嗣後各館需用漢謄錄

人員亦照考取滿洲繙譯謄錄人員之例將舉人

恩拔副歲貢生及捐納貢監情願考試者行文禮

部國子監送部考取挨名頂補

九年監察御史錢度奏貢監考職向例不論文字

優劣盡行錄取殊為未協請

勅下考試大臣務擇其文理優通者酌量錄取寧少無

多永著為例從之

館官又奉

諭旨向來主考同考官之子俱令迴避雍正年間准其一體應試亦未著為定例朕看來各科迴避生多寡不一若遇人少之年則入殼甚易於科場條例亦不畫一嗣後不必一體考試

又奉

諭旨順天府尹蔣炳條奏外省覆試一事朕已降旨允行但如何覆試之處未曾奏及各省難以奉行科場取士首重四書文士子之通與不通總不出四書文之外應令該督撫會同學政出閒冷二題當面考試

聽其盡一日之長試畢即將原卷與中式卷一併解

部聽候磨勘

命漢直省中額十分之一

上奉

上奉

翰林

養才

書人

盡道文章接上台菁莪樂育濟時才子秋得失非虛  
植咫尺雲泥亦幻哉若有淚睚啼桂落那無笑口對  
花開鳳池多少簪臺者都向龍門燒尾來士氣  
上蒼重扶搖正翮搏飛龍利見豈爲干志聖賢志應須  
立言孔孟言大是難見說經綸推國士從來桃李屬  
春官但令姓氏朱衣點那惜三條燭淚殘一降旨允  
周道闡棘院沉沉景物當前總入吟才擬珪璋方特  
建交歸雅正薄艱深禹門魚變辭凡水喬木鶯遷出  
故林寄語至公堂裏容莫教冰鑑負初心一將

宣統等謹按禮部有貢院自唐開元始我此言  
朝鄉試由

京師至各省爲試院凡十有五而

京師首善之地且天下人文所會集也每當貢舉之

期恭請士請人自解林

欽命試題鄉試則順天府尹會試則知貢舉官恭捧黃

旗卷匣肩鑰封識甚嚴至聚奎堂門外考官跪接以進

縣幸仰

黃封之下賁不啻咫尺今未聞

夫顏已為榮幸自古迄今未聞有

親幸試院

賦詩題壁俾海內窮簷白屋之士咸得仰誦興詩以鼓

英童撫臨而慰勉之者惟我曾端頤賦貢舉官恭奉黃

皇上若文養士壽考作人自翰林院

賜宴羣臣言之世且天下人文洵會集也每當貢舉之

鑿輅迴鑣百官為遊訓以于官正而

駕臨貢院親灑

宸翰賦詩四章最多士以志聖賢之志言孔子孟之言從

備此海宇士子當風簷握管時凜然謹遵

聖訓皆時有重規疊矩在其心目間夫鈎章棘句既非

承平雅頌之音而縛采膚詞亦乖先正清真之義

德之屢蒙會端伏求聖訓中書筆端之韻雅雅言其文貢

諭旨諄諄又于辭首而端志之

欽定四書文為之正鵠撒棘以還即加磨勘然後知體

會聖賢語氣之難誠有如

御製詩中所示者近年以來鄉會試卷稍知檢束爭自

皇上灌磨皆我首以知禮會端端詩禮文之風會端端

皇朝文獻通考 卷五十一  
皇上御製鴻章有以感動警發持斯文之風會潛移密  
斷變遷不知其然而然彼夫九轉丹成三條燭盡唐人  
篇什載之通考中豈得與

咸英韶護之音卿雲紉履之辭相比儷哉臣等編次所  
西且及謹拜手稽首而敬志之

勅文武鄉會試外考取中書筆帖式膳錄教習及貢監

考職俱於午門考試錄來貢監亦非式五書其之美

聖臨其且奉聖賦也狀亦其小目間夫從章難向消非

諭旨至載貢與國家舉賢若文之次典必諸弊悉去然

後可以拔取真才所謂根莠不剪則嘉禾不生其理

顯然歷來查弊之法不得不嚴者此正慎重科名厚

待長士之道昨歲朕親臨貢院遍觀堂所周覽號舍

矮屋風簷備極辛苦深可軫念比賦四詩令刊堂壁

可以知朕心矣今歲會試已展期三月以待春溫嗣

後卽以爲例茲特預降旨命禮部侍郎楊錫紱知貢

舉俾得先期計議從容料理楊錫紱可仰體朕心當

嚴則嚴當寬則寬於釐剔弊端之中寓優恤士子之

意二者相成不相悖也卽如蠟燭一事因有燭中夾

帶之弊是以改爲官給若向舉子多索價值則不可  
或蠟屐而蠟質不堅則更不可朕姑舉一節以類其  
餘知貢舉者其善爲之尋以搜檢懷挾例去皮衣襪  
以禦寒而會試風簷之下非衣裘不足以禦寒停止皮  
衣去面氈衣去裏之例已與三民以養春蠶  
於每科會試發榜之後揀選年力強健質地明白  
黜者列爲三等以縣令用若年力精神堪司教職者  
列爲二等以正諭銓選其應用訓導者與歲貢分

缺選補至年力衰邁者以應得之缺休致奉

諭旨人材難以預料若一經驗看卽爲定衡則入選者  
焉保其必稱循良更恐逾時或又不堪任用况才具  
尙不能一望而知而心術又豈能外觀卽定所可知  
者不過年歲狀貌耳與其定於數年之前不若審於  
選官之日今當會試之年士子雲集初次揀選人數  
必多恐汰除者衆此等舉子未免絕其上進之望兼  
非鼓舞人材之意向來月選之後原有九卿驗看之  
例引見之時朕又量材改調或補教職或令休致臨

時自可區別毋庸預爲揀擇著將新定會試榜發揀選之例停止嗣後惟令九卿秉公驗看詳慎去取勿徇情面勿事姑容俟朕於引見時再加酌定自不使庸材濫司民社而吏治亦可收得人之效矣

又奉

諭旨三月會試已著爲定例則殿試之期自應酌量變通著自今科爲始於四月二十六日殿試五月初一日傳臚該部卽通行曉諭知之

又奉

諭旨雍正五年會試榜發之後下第舉人曾蒙

皇考恩旨派出大臣檢閱落卷將其文理明通者各省取

數十人再驗看人材年齒發往以教職補用朕卽位

以來亦曾舉行今科會試舉人較多往歲且積習一

除士風丕變應加恩以示鼓勵著出榜後將落卷封

貯該部請旨派出大臣秉公閱看選取發往各省界

以司鐸之任其有年逾八十以上者該部帶領引見

朕將優惠焉

又奉

諭旨國家設制科取士首重者在四書文蓋以六經精  
微盡於四子書設非讀書窮理而欲握管揮毫發先  
聖之義蘊不大相逕庭耶我

皇考有清真雅正之訓朕題貢院詩云言孔孟言大是難  
乃古今之通論非一人之臆說也近今士子以科名  
難以倖獲或故爲艱深語或矜爲俳儷詞爭長角勝  
風簷鎖院偶有得售彼此倣效爲奪幟爭標良技不  
知文風日下有關國家掄才大典非細故也古人論  
文以渾金璞玉不雕不琢爲比未有穿鑿支離可以

傳世行遠者至於詩賦不免組織渲染亦必有真氣  
貫乎其中乃爲佳作今四書文採綴詞華以示淹博  
於孔孟立言相去萬里矣先正具在罔識遵循習俗  
難化職此之故嗣後令各省學政時時訓飭鄉會考  
官加意區擇凡有乖於先輩大家理法者卽擯棄不  
錄則詭遇之習可息士風還淳朕有厚望焉該部通  
行曉諭中外知之

又吏部帶領本年中式滿洲蒙古繙譯進士安福  
等十九員引



見分別錄用有差

十二年奉 諭旨向來鄉會試之年不准條陳科場事務蓋欲使士子潛心誦讀不便紛更成例以擾其心且亦防弊之一端立法甚善夫三年之內何時不可言而必待場期已近紛紛陳奏耶孫宗溥摺交部暫存俟科場事畢另行議奏嗣後如有似此違例條奏者必交部察議並傳諭科道等知之

又廣各直省鄉試錄科額數故事學臣科試之後

復取遺才錄遺之後督撫又有大收取送甚濫是以議有科舉定額每舉人一名大省錄取八十名中省錄取六十名小省錄取五十名

上以前議但就正榜定額尙有副榜未經議及著再加恩准于每副榜一名大省加取四十名中省加取三十名小省加取二十名令各學政於考試遺才時不論生員貢監亦不拘縣分大小但就文理明通者照數錄送入場

十三年奉

諭旨朕此次東巡加恩士類已令增廣入學名數復念  
十三氏子孫遠承世緒濟濟膠庠其中當有文學可  
親讀書立品之彥宜加甄拔以廣恩施其令該學政  
考驗其文行兼優者數人咨送禮部貢入成均示鼓  
勵焉其引駕官孔繼汾朕看其人尙可造就著加恩  
以內閣中書用  
十五年定房考分經之法房考入闈照舊掣籤分  
經其一經之內房考有籍同省者主考官臨時酌  
量對調閱看他經

十六年奉

諭旨朕省方觀民南巡江浙羣黎士庶踴躍趨迎就瞻  
恐後紳士以文字獻頌者載道接踵愛戴之忱有足  
嘉者朕已疊沛恩膏隨時賞賚

皇祖聖祖仁皇帝時巡所至優獎士類一時碩學通才多

蒙

鑒拔方策所載稱盛事焉茲之于于而來皆械樸作人久  
道所賄也夫膠庠之秀志切近光其積學有素文采  
穎異者加之甄錄良合於陳詩觀風育才造士之道

顧王拙既殊真贗錯出理應試之無使魚目砮砮得混珠玉尋經分別考試派大臣閱卷進呈取中人員准作舉人授爲內閣中書學習行走其原係進士者授內閣中書遇缺補用嗣是乾隆二十二年二十七年三十年四十五年四十九年一都四學殿大南巡省方凡進獻詩賦人員皆考試選取錄用如之

又奉 上以文字無別各省清漢各半自雍正年間以諭旨庶吉士分習清書例由翰林院掌院學士分派惟量其年力不拘省分舊時清漢各半自雍正年間以

來分習清書者漸少每科尙有十四五員十七八員不等朕思邊省之人選館本少聲律亦素所未嫻既習國書自必專意殫精惟清文是務非天分優而學業勤者不能兼顧漢文日就荒落迨散館時或以清書優等授職而留館後遇通行考試往往絀於詩賦列入下等改令別用究其所肄清文自散館一試外別無職分應用之處微獨邊省卽北五省庶吉士類然翰苑中江浙人員較多而遠省或致竟無一人者非所以均教育而廣儲才也嗣後雲南貴州四川廣

東廣西等省庶吉士不必令習清書直隸山東河南山西陝西等省亦視其人數若在三四員以上酌派年力少壯者一二人其江浙等省人數在五六員以上者酌派二三人率以三十歲以下者充之每科通計在十人內外寧缺無濫循舉舊章備國朝典制足矣該衙門卽遵諭行又曰原議恭定禮部詳題以肅賢又奉旨公專意舉詳詳高文最符非天分過而學諭旨今歲恭逢日之人數尚不少雖年亦未滿禮聖母皇太后六旬萬壽少每詳前首十四正員十出八員

慈福霑被海宇同之敬稽

皇祖聖祖仁皇帝萬壽特開鄉會恩科廣作人雅化益國家遇大慶則必有殊常之恩朕思以紹顛俊之鴻規溥承

歡之渥澤於壬申年舉行

萬壽恩科三月鄉試八月會試俾茲多士共樂觀光以昭盛典該部卽遵諭行

又奉

諭旨各省選拔貢生經朕降旨以十二年舉行一次計

至癸酉年卽屆選拔之期唯是來京朝考揀選引見  
劄監讀書或以知縣等官試用或以教職卽用或以  
教職歸班序選條例屢經更定朕思選拔於數十百  
人中拔取一二人且不糊名易書可以驗其人才核  
其素行自當精擇以充其選應令該學政於試列前  
茅之士舉其文行兼優才品出衆者會同該督撫秉  
公掄採以杜濫觴至庠序爲陶育人才根本今教職  
率多昏耄龍鍾濫竽戀棧雖定以六年甄別而上官  
以閒曹多方寬假非國家設官敷教本意應分以年

限詳加澄汰所遺員缺卽以應授教職之選拔充補  
於士風當有神益所有選拔貢生赴部驗到作何定  
限及朝考錄用一切規條俱應詳悉酌定永著爲令  
大學士九卿集議以聞尋議嗣後各該處復設教諭  
并訓導各缺凡係月分推陞及別項事故出缺者  
俱照定例銓選如係三年澄汰開缺者卽將癸酉  
年揀選引

見之拔貢照依

朝考名次先後充補其補授訓導者以教諭銜管訓

導事照依原銜陞轉俟揀選引見之人用完卽照舊例銓選從之

十七年奉

諭旨今歲

萬壽恩科各省計偕雲集而中額所收列有定數其下第舉子中年力才具可以及時錄用者特予格外加恩揀選引見分別以知縣試用教職銓補俾得早列仕版目今巡幸塞外若俟回鑾再行揀選未免守候需時著在京總理事務王大臣協辦大學士阿克敦尙

書舒赫德劉統勳孫嘉淦於會試 揭曉後卽行會同

揀選大省四十人中省三十八人小省二十人俟朕回

鑾以次引見其年在七十以上難以復圖進取者並

著該部查明具奏候朕酌量加恩仍預行曉諭各舉

子知之

十八年奉

諭旨內廷行走之縣丞張宗蒼監生徐揚楊瑞蓮効力

皆已數年甚屬黽勉安靜張宗蒼年已及暮著加恩

賞給戶部額外主事徐揚楊瑞蓮著加恩賞給舉人

一體會試

又停止五經取中之例

十九年奉

諭旨場屋制義屢以清真雅正爲訓前命方苞選錄四書文頒行皆取典重正大足爲時文程式士子咸當知所宗尚矣而浮淺之士競向新奇卽如今科榜前傳首題文有用九迴腸之語者其出自漢書腸一日而九迴大率已莫能知不過勦襲纖巧謂合時尚豈所謂非法不道選言而出者乎不惟文體卑靡將使

心術佻薄所關於士習者甚大朕曩云言孔孟言大是難職是故也著將欽定四書文一部交禮部順天府存貯內簾令試官知衡文正鵠再策問時務用覘士子學識主試官不當以己見立說上年順天鄉試問黃河北行故道今春會試問黃河下流皆孫嘉淦陳世倌一己私見究亦空言無補若以此爲去取將啓士子窺探迎合附和之弊其漸尤不可長卽如宋元以來辯析朱陸異同初因講學而其後遂成門戶標榜攻擊甚爲世道人心之害嗣後有似此者必治

其罪

又奉

諭旨會試榜後下第舉人歷科以來間有格外加恩之  
典今科會試所有下第舉子亦著加恩於薦卷內選  
取文理明通者驗看揀選帶領引見畀以司鐸之任  
其奏請簡派大臣閱卷驗看及按省酌定員數分班  
選用之處該部察例具奏至年七十以上者並著該  
部帶領引見酌量給予職銜

又定考取國子監學正學錄例山東道御史陳大

化奏國子監學正學錄等官請照內閣中書之例  
考取錄用從之



文舉

明會試榜下第舉人應科以來尚有格外加恩  
與今科會試同有下第舉子亦當加恩於榜外  
以文舉明通者論看揀選帶領引見以資錄之  
其奏請開試大臣開卷看及按省酌定以數分

考頭濫用批之

皇朝文獻通考卷五十一學禮等官前題內題



